

## Maswali

1. Abramam aliishi wapi?
2. Watu wa huko waliabudu nini?
3. Mungu aliambia Abramam afanye nini?
4. Mungu aliahidi Abramam nini?
5. Nani alienda na Abramam?
6. Mungu aliwapeleka mpaka nchi gani?
7. Abramam alifanya nini alipofika kwa nchi ya Kanaani?
8. Mungu alitimiza ahadi zake kwa Abramam namna ngani?
9. Abramam ataishi lini milele kwa nchi yenye Mungu alimwahidi?
10. Mungu anatahidi sisi nini?

## Majibu

1. Abramam aliishi kwa nchi ya Uru.
2. Watu wa Uru waliabudu mungu mwezi. Hawakuabudu Mungu wa kweli.
3. Mungu aliambia Abramam aiache nyumba na familia yake Uru na aende kwa nchi yenye Mungu atamwonyesha.
4. Mungu aliahidi Abramam kwamba wazao wake watakuwa taifa kubwa, atakuwa na sifa na watu wote ulimwenguni watafurahia mmoja wa wazao wa Abramam.
5. Abramam alienda na mkewe Sarai na mpwa wake Lutu.
6. Mungu aliwapeleka mpaka nchi ya Kanaani ( inaitwa Israeli sasa).
7. Abramam alijenga madhabahu na akatolea Mungu sadaka ya mwana kondoo.
8. Wazao wa Abramam ndiyo taifa la Wayahudi, Abramam ana sifa, Yesu ni uzao wa Abramam, atakapokuja kusimamisha Ufalme wa Mungu hapa duniani, kila mtu atafurahi.
9. Abramam ataishi duniani milele wakati Yesu atarudi.
10. Hata sisi tutaishi kwa Ufalme wa Mungu hapa duniani ikiwa tutampenda.

# SHULE YA JUMAPILI YA CBM




Awamu ya 1 Mwaka wa 3

## 3 Mungu anamwita Abramam

### Marejeo

Mwanzo 12:1 – 6



### Kiini cha somo

Kuonyesha kwamba Abramam alikuwa na imani kuu kwa ahadi za Mungu. Alitii na kutoka nyumbani kwao na kwenda penye Mungu alitaka.

### Maneno maalum

- 3.1 Abramam + Uru + mungu mwezi + Abramam alipenda Mungu + ondoka Uru + enda nchi ngine
- 3.2 Ahadi za Mungu + taifa kubwa + ana sifa + wote wafurahi
- 3.3 Abramam alienda + Sarai + Lutu + safari ndefu + Kanaani
- 3.4 Madhabahu + shukuru Mungu + ahadi nyingine + nchi milele
- 3.5 Mungu alitimiza ahadi + Yesu atarudi + Ufalme wa Mungu duniani + kila mtu na furaha ingine

**3.1** Abramam aliishi kwa mji mkubwa uliokuwa na michengo na bustani nzuri. Huo mji uliitwa Uru. Abramam aliishi kwa nyumba nzuri na alikuwa tajiri. Watu walioishi Uru hawakupenda Mungu. Waliabudu mwezi badala ya Mungu. Kulikuwa na Hekalu kubwa ya mungu mwezi huko Uru. Lakini Abramam hakuamini kwa mungu mwezi. Alipenda Mungu wa kweli na alijaribu kumfurahisha.

Siku moja Mungu aliambia Abramam, “Wacha nyumba yako na familia yako hapa Uru. Wacha mji wako na marafiki zako na usafiri kwa nchi nyingine. Nitakuonyesha njia.”

Mungu alitaka kuondoa Abramam kutoka Uru kwa watu walioabudu mwezi na waliofanya mambo maovu. Tena Mungu alitaka kumjaribu Abramam. Mungu alitaka kujua kama kweli Abramam anampenda na ataacha vitu vyake vyote alivyokuwa navyo na aamini kwamba Mungu atamlinda.

**3.2** Mungu alimwahidi Abramam vitu vya maana kadhaa ikiwa angemtii. Tunafanya ahadi kuonyesha kwamba tanamaanisha kufanya chenye tunasema. Tukifanya ahadi, ni vyema lazima kuona kwamba hatutavunja ahadi. Mungu akifanya ahadi, KILA MARA hutimiza hiyo ahadi.

Hii ni baadhi ya vitu vyenye Mungu aliahidi Abramam.

- ◆ Watoto wako na wajukuu wako hatimae watakuwa taifa kubwa.
- ◆ Nitakubariki na nifanye jina lako liwe na sifa.
- ◆ Siku moja watu wote wa ulimwengu watafurahi kwa sababu ya mmoja wa uzao wako.

Abramam aliamini kwamba Mungu atatimiza ahadi zake. Alijua kwamba yote aliyoahidiwa na Mungu yalikuwa ya dhamana kuliko marafiki na kila kitu kilichoko Uru.

**3.3** Kwa hivyo Abramam alifanya vile Mungu alitaka. Alichukuwa mkewe Sarai na mpwa wake Lutu na kuondoka Uru wote. Ilikuwa vigumu kuacha nyuma marafiki wao, nyumbani kwao na mji wao walioupenda, lakini waliamini Mungu zaidi kwa hivyo walianza safari yao ndefu.

Safari ilikuwa ndefu, ngumu na hatari nyingi lakini Mungu alikuwa akiwalinda. Walipumzika kidogo kwa mji wa Harani na baadaye wakaendelea kusini kwa nchi ya Kanaani. (Nchi hii sasa inaitwa Israeli).

**3.4** Abramam alipofika kwa nchi ya Kanaani, alijenga madhabahu na akatolea Mungu sadaka ya mwana kondoo kumshukuru kwa kumleta salama kwa nchi hii. Mungu alifurahi kwa sababu Abramam alimtii. Baadaye Mungu alimpa Abramam ahadi nyingine. Mungu aliahidi kwamba atampa Abramam pamoja na uzao wake nchi ya Kanaani milele.

**3.5** Kwa hivyo, Mungu alitimiza hizi ahadi kwa Abramam? Ndiyo, alitimiza. Hebu tuzione na tuangalie vile zilikuwa za kweli.

- ◆ Wazao wa Abramam walikua na wakawa taifa la Wayahudi
- ◆ Mungu alibariki Abramam na jina lake likawa na sifa – bado tunajifunza juu yake hadi leo
- ◆ Yesu ni mmoja wa uzao wa Abramam. Yesu atakapokuja kusimamisha Ufalme wa Mungu, kila mtu atafurahi.

Lakini, na ahadi kwamba Mungu atampa Abramam na uzao wake nchi waishi milele? Abramam amekufa, kwa hivyo Mungu ametimiza ahadi yake kweli? Kweli, hii ndiyo ahadi ya maana sana kwa kila mtu – wakati Yesu atarudi hapa duniani atafufua Abramam kutoka kwa wafu. Halafu Abramam ataishi nchini milele kwa Ufalme wa Mungu.

Abramam aliacha nyumba na marafiki ili afurahishe Mungu. Lakini Mungu alimwahidi mambo ya ajabu mbadala – kuishi milele kwa Ufalme wa Mungu wa ajabu. Mungu ametuahidi hata sisi hizo ahadi. Tukimpenda na tujaribu kumtii, Mungu atatuwezesha kuishi kwa Ufalme Wake wakati Yesu atakapokuja. Kwa hivyo tujaribu sana kumpenda Mungu.